

مشاورت قلم

مطبعه و محل اداره :

جفاله اوغلنده امنيت
سندوقي جوارنده
شنگول يقوشنده
۲۵ نومبر

سلکمزموافق آثار
جدیده مع الممنونه
قبول اولنور

درج ابدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیات و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
عالم عثمانیه ایچون	۶۵	۳۵
روسیه	۶۵	۳۰۵
سائر عالم اجنبیه	۱۷	۹

نیاتی . حرکتی بو نورك سایه‌سنددر . بلکه هر شی بو نوردن عبارتدر . اشیانك طبیعتی ، خواصی ، افعالی بو نوردهدر . هر نه قدر اشیانك اسما و صفات و افعالی بو نوردن ایسه‌ده بو نور بر در ؛ زیاده دکلدر . افراد موجوداتك کافه‌سی انك مظاهریدر . بو مظاهرك هربری بر دریچه کیدر . بو نورك صفاتی او دریچه‌لردن ظهور ایدر . انك اولی ، آخری یوقدر . اکا عدم و فنا طاری اولماز . یکی یکی دریچه‌لر پیدا اولور . اسکیوب تکرار طویراغه کیدر . تکرار طویراقدن ظهور ایدر . کنیدی‌لری طوغار ، کنیدی‌لری یاشار ، کنیدی‌لری اولور . کمال ذاتیلرینه وصول ایچون شرط لابد حکمنده اولان خواص و قوی کنیدی‌لرنده کنیدی‌لکندن اوله‌رق موجوددر . بو نور کنیدی کاللی ، اسما و صفاتی کنیدی مظاهرنده مشاهده ایتدیکی ایچون انلره عاشقدر . بونك ایچون روح آدمی‌ده کنیدی جسمنه عاشقدر . زیرا جسم آدمی روح آدمینك صفاتنه مظهردر . روح کنیدی جسمنی و کنیدی جسمنده اسما و صفاتی کوریر . انك ایچون : کنیدیکی بیل ، تا که جناب حق‌ده بیله‌سك دنیلیمشدر . شمیدی معلومك اولدی که کنیدی بیلن و روح عالم اولان انجیق بو نوردر . افراد موجودات انك مظاهریدر .

فرید

مسلمانانک صفت

مسلمانلغه ، مسلمانلرك حاله برنظر

مابعد

شمیدی كرك مسلمانلرك بو کونکی حاله كرك اونلرك عصرلردن بری قوتلرینی محو ایتکده بولنان امراض اجتماعیه‌لرینه دائر تدقیقاته بولنقی ایستیورز ؛ تا که خسته‌لق نه‌دن عبارتدر ، چاره‌سی نه‌در اکلامش اوله‌لم .

اوت بومسئله‌یی بزدن اول بویوك بویوك محررلر موقع تدقیقه چکدی . لکن کمال اسفله کوریورز که بر جوغی اصل خسته‌لقدن کلیا اغماض عین ایدره‌ك اعراض مرضی تداوی اوغورنده یورولدی دوردی ، حالبو که اورته‌ده کنیدی سیر طبیعی‌سنی تعقیب ایده‌جك ، کنیدی‌سنه خاص قانون موجبجه هیئت اجتماعیه اسلامیه اوزرنده تأثیراتی ایقاع ایتمکدن اصلاً کبری طوریه‌جق اولان سبب مرض طوردقجه بویله هیچ برزمان صاحبی نابل مرام ایده‌میه‌جکیك آشکاردر . بزه کلنجه هیچ بر فائده انتاج ایتیمان بویله برمسلكه سلوك ایده‌جك دکلز . بزیستیورز که شرک خسته‌لق‌لری اوزرینه قات قات بیغلمش اولان پرده‌لری بیرته‌لم‌ده ذات مرض نه ایش غنایت حقله اونی اکلایه‌لم . برکه تشخیصه موفق اولدقی ارتق خسته‌لقك علاجی ، اوعلاجك صورت تطبیقی تعیین ایتك بزم ایچون قولایلاشیر . هرکس ایچون معلومدر که تخمی جزیره‌المریده آتیه‌رق آز زمان

ظرفنده بلاد مشرقك قسم اعظمی د لاریك برداقرینك سایه‌سی آلتیه آلان مسلمان مدینتی ایچون دیانت اسلامیه‌دن ماعدا سبب اول تصور اولنه‌مز . کذلک هر تاریخ اوقویان ؛ علوم اجتماعیه تتبع ایدن شونی استدلال ایده‌یلور که بومدنیت بوتون مدینتلك سیریع السیری ، الذروقلیسی ، الکواسی ، الکحیرالعقولی اولدینی کبی کنیدی‌سنه اتباع ایدنلرك اراداتنه حاکم اولق ، افکار اوزرنده تأثیر مهمی بولنق اعتباریله‌ده الکویسیدر . بوندن بشقه بومدنیت بوتون سعادات اجتماعیه‌نك ایکی مهم قانونی اولان علم ایله عملی جمع ایتمشدر .

ایشته بونلر اویله بر طاقم حقایق بسیطه‌در که مسلمانلرك بدایت ظهورینی تصویر ایدن تاریخلره عطف ایدیله‌جك الاسطحی بر نظره بیله میدانه چیقار . لکن بوکون نظرمن بوتون اقوام اسلامیه اوزرنده اوفاجق بر جولان ویرمش اولسه‌ق ایلك بابالریمك بولندینی حالک عکسندن بشقه برشی کوریمز . اوت کورورز که انحطاط ، اضمحلال بزی اله بیلدیکسنه محکوم ایتمش ، کری به طوغری سور و کله‌یوب کوتوریور ؛ موجودیت اجتماعیه‌مزی کوندن کونه بیتیریور . حالبو که هیئت عمومیه‌مزی تشکیل ایدن عاصرك کافه‌سی مسلمانلق ادعاسندن بر آن کری طور مدینی کبی قلبی اوزرینه نصل تیتیرسه دینی اوزرینه‌ده اویله تیتیریور . عجبا شو حال عصر حاضر فلاسفه‌سندن بر طاقم مفرطلرك ادعاسی وجهله بوتون ادیانك مانع ترقی اولدیغنه بر حجت ناطقه‌میدر ؟ حاشا هیچ بر زمان دکلدر . زیرا بر کره عربلرك مسلمانلقدن اولکی جهالتلرینه ، وحشتلرینه باقیلور ؛ صو کره ینه اوعربلرك مسلمانلنی متعاقب احراز ایتدکلری مدینته ، هیچ بر قومده کورلیان سرعت و ترقی به عطف امعان ایدیورسه بوکبی ادعالرك بطلانی عیاناً کوریلور . عجبا شو حال بوکون اقوامك ترقی‌سنه ، تمدنه مدار اولان هر هانکی نراساسك ، بر قانونك سینه‌سی اوقانونی مستقبل ایچون مستقبلده مضر اولقدن ، مفید اولق شویله طورسون بالعکس مهلك بر ماهیته صاحب ایده‌جك بر جرئومه‌دن آزاده اوله‌مایه‌جنی حقنده فلاسفه‌حاضره‌نك اعتدالپرورلر طرفندن سردایدیلن ادعایی می تأیید ایدیور ؟ خایر بوده دکلدر . زیرا بزشو کتابمزده مسلمانلنك اهم اولان احکامنی ساحه تدقیقه چکدک جمله‌سنی حیات بشریه قوانیننه تمایله مطابق بولق . رأی‌العین کوردک که اسلام ترقی ایچون بر حد تعین ایتماش بلکه عمومی قاعده‌لر وضع ایلمش ، اسکی واضع قانونلر طرفندن حیات مستقبله وقوفسزلق سائقه‌سیله وضع ایدلش اولان بوتون قیودی قیرمش ؛ روحك بوتون خصائصنی اسکی زنجیر-لرندن قورتارمش ؛ زمام اداره‌سنی اله ویرمش ؛ انجیق شاهراه حکمت واعتداله توجیه ایتدکدن صکره ویرمشدر . بزیسه اعتدالک مذموم ، افراطك و یا تقریطك ممدوح اوله‌جنی بر زمانك ورودینی بکلیاتلردن دکلز . اوحالده مسلمانلری بابالرینك فضائلندن حتی اونده برینی اولسون احراز ایتمکدن آلیقویان سبب نه اوله‌بیلور ؛ بزه صورارسه کنز بزبونی دینك یا کلش اکلاشیلیمه‌سندن ، کنیدی‌سندن مراد اولیمان بر معنایه حل ایدلسندن ایلری گلشدر دیه‌جکز .

توحید و اتحاد

(سوز) لك نظر وجدان وادراك ثوننده کی قیمت واهمیتی جو هر معناسی اعتباریله در .

معناسندن مهجور ولار هر هانگی بر لفظك چنین ساقطدن ، نمش بی روحدن نه فرقی قالیر ؟

سوز ، لسانك ، معناده قلب و وجدانكدر . معنی ، جسم لفظك حیاتی ، روحی ، وار لیدر .

ان الكلام لني الفؤاد وانما

جعل اللسان على الفؤاد دليلا

نوت ، كلام - كه اصل معنادر - قلبكدر ؛ لسان ایسه او معنایه دلیلدن ، ترجمان اولمقدن باشقا . نئی دكلدر . (سوز) . معنایی مخاطبه تفهیم ایدر ، اورنه دن جکیلیر کیدر . (سوز) اکر طوغری ایسه فها والا کذب . باخود نفاق ایله وصف اولونیر .

حضرت قرآن کریم ، مخالفین بن اعرابك حربیه کیتما مکن ایچین حضور قدسیت نشور جناب رسالت پناه اعظمی ده (علیه الصلاة والسلام) شغلتن اموالنا واهلونا فاستغفرلنا ۱ - «اموالنا ، اولاد و عیالنا بزی اشغال ایدیور ؛ بزم ایچین جناب حقدن تمی عفو بویوریکز ! اعتذار کاذبیه جرأتیاب اولدقلری نیاز مخادعه کارانه لرینی : «يقولون بالسنتهم ما ليس في قلوبهم - لسانلریله قیلیرنده اولیان شیئ سویلورلر» وحی جلیلله تکذیب بویورور . ایشته شغلتن الخ ، جاهل سی لسان مخالفیندن صدور ایتیش یعنی سوز اولنرك اولمق اعتباریله معناسز ؛ یالان ! مردود !

«يا ايها الذين آمنوا لم تقولون مالا تفعلون ؟»

بو نظم جلیل تکدیر ، احد محاربه سننده حقیقه ایفای فریضه جهاد ایتیمان بعض ذوات حقنده نازل اولمشدر . مشار الیهم حربدن اول : «نزد لوهیتده عمال صالحه نك ان محبول و قبول اولانی بیاسه يدك مالزی ، جانمزی او سعادت عظمای استحصال یولنده بلا تردد فدا ایدردك . «دی به تفاخر ایدرلر ، کندیلرینی اوج اعلا صدیقیتده کورورلردی . و فتاکه احد محاربه سی باشلادی ، ایفای عهد ایتك زمانی کلدی . سوزلری میدان امتحانده معناسز قالینجه :

«لم تقولون مالا تفعلون ؟»

مؤاخذه الهیسی قارشیسنده سر بسینه محجوبیت قالدیلر .

مؤاخذه بالکیز بوقدرله قالسایدیینه اهون عد اولنه بیلیردی ؛ لکن بوقدرله قالدی .

«كبر مقتاً عند الله ان تقولوا مالا تفعلون - بابه میه جفکیز شیشی سوبله مکز عندالله نه قدر شدتلی غضبی داعی اولدی ! ، تهدید قهر و جلالی صاعقه کی نزول ایدرله منهلری مهوت ومدھوش ایتدی .

بوقاریکی فصللریمزد آيات قرآنییه ، احادیث نبوییه ، برده ایلک جمعیت اسلامیة نك حرکاته استناداً شو حقیقتی هیچ مناقشه یه ، تردده میدان قالمایه حق صورتده اثبات ایتیش ایدك که : مسلمانلغك مقصد اصلسی احوال و اطوار بشریه نك استقراسیله وجودی ثابت اولان قانون فطری ترقی موجبنجه انسانلغك مادی و معنوی ارتقاسی تأمین ایله مکدن عبارتدر ؛ ارواحی شائیه لرندن تطهیر ایدرک وظیفه سی ادایه صالح برحاله کتیره جك کوچوک بویوک نه قدر وسائط و ارسه مسلمانلق بونلرك کافه سی بیلدیرمش ، توصیه ده بولمشدر .

أوت . بزبونلرك کافه سی شبهه یه . انکاره مجال قالمایه حق صورتده دلائله اثبات ایتیش ایدك . لکن بویوکونکی جماعت اسلامیة نك هیئت مجموعه سنه عطف نظرایده جك اولورسه ق کور ورزکه قسم اعظمزك عندده مسلمانلق عبادتک ارکان و قواعدیله یا دنیا ده کی حاجاتک استحصالی ، یا خود آخرته مراتب عالیه احراز مقصدیله رفع ایدیلن دعوات مجرده دن عبارتدر ؛ بیلدکلری کله شهادت ، نماز ، اوروج ، زکات ، حج . بوقه دینک امت عربیه یی بولندیقی قبرستان سفالت و هیچیرن چکرك اوج حیات و شرفه یوکسلتن اسرار عظیمه سی ، معجزات کریمه سی هیچ بر زمان لحاظه امانی جلب ایتیمور ! و اسفا که دینک لپی ، اسلامک زبده سی اصل بواولدیقی کبی تنزیل و تشریعنده کی غرض یکانه ده بودر .

مسلمانلق روحك مطالب اخلاقیه و معنویه سیله بدنك مطالب مادیه سینی بك كوزل توفیق ایتمشدر . جناب حق . وقیل للذین اتقوا ماذا انزل ربکم قالو خیراً للذین احسنوا فی هذه الدنيا حسنة وللدن الآخرة خیر ولنعم دار المتقین . «بویوریور . حضرت پیغمبرده لیس من ترك دنياه لا آخرته ولا آخرته لدنياه بل خیرکم من اخذ من هذه و هذه «دیور .

لکن قیم اعظمز بو حکمت بالغه یی تأمل طرفلرینه اصلا یاناشیمور ؛ بالمکس دینی یا کلش کلایه رق اکا کوره یا کلش یوله صایان اقوام سالفه نك اثرینی ، عاداتی تعقیب ایدیور . هم هیچ بر تأیید الهویه مظهر اولماش بر طاقم افکار و عقائد بسلیور . «ولاتنس نصیدك من الدنیا» کی آیتلر ، ان من فقه الرجل استصلاح معیشته و لیس من حب الدنیا طلب ما یصلحك» کی حدیثلر طورورکن خلق بوعلوی اساسلرك اوزرینه ردای نسیانی چکرك دینی بوتون علائق دنیا دن کلیاً فارغ اولمق ، بوتون حسابات جسمانیه دن تعری ایلمك صورتنده تلقیه باشلادیلر . بیلمدیلرکه بو حال اقوام سالفه یی محو ایدن بر مدھش طاعوندر . هیات نردن بیله جکلرکه بولندقلری کوشه عطالتدن کندیلری ایله شوآیت کریمه نك آرهنده آشیلماز بر حائل وار : «افلم یسیروا فی الارض فتکون لهم قلوب یعقلون بها او آذان یسمعون بها فانها لا تعمی الابصار و لکن تعمی القلوب الی فی الصدور .»

محمد ماکف